



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Geschichte der geistlichen Stiftungen, der adlichen Familien, so wie der Städte und Burgen der Mark Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1843**

XLII. Das Domcapitel zu Havelberg gestattet dem Johann Sturm, Domherrn zu Stendal, seinem Vasallen, die Veräußerung eines Lehnes im Dorfe Burgstall, im Jahre 1519.

[urn:nbn:de:hbz:466:1-54314](https://nbn-resolving.org/urn:nbn:de:hbz:466:1-54314)

**XLII.** Das Domcapitel zu Havelberg gestattet dem Johann Sturm, Domherrn zu Stendal, seinem Vasallen, die Veräußerung eines Lehnes im Dorfe Burgstall, im Jahre 1519.

Wy Christianus Wultzke Prowest, Petrus Roloff Deken, Petrus Frificke Cantor, Senioren vnde gemeyn Capittel der kerken to havelberge, Bekenne vnde doen kunt offentlich mit duffen vnfen Briue vor ein Jedermennichlig, Dat wy deme werdigen vnfen Leenmanne, herrn Johann Stormen, Canonik tho Stendal vhmme finer anliggenden Noet vnde slitigen Bede willen, vergunt vnde erlouet hebben deme werdigen herre henningk Clottzen, Canonik dar fulneft tho Stendal, effte hebber des koepbriues mit finen willen duffe nagefchreueue güder, rente vnd hewlicke tinffe, Nemlich In deme Dorpe Borftel einen Wispel roggem, Eine Mark, Sauen vnd twintig Schilling vier Penninge, vor hundert Rinsche gulden houetfumme vp einen rechten wedderkop, ludes der verschriunge darouer gegeuen vnde vtgegangen, to verkopende, vergeuen vnd erlouen Dat, wo berurt, vnde geuen to fulchen wedderkope vnfen willen vnde fulbort, In vnde mit krafft dieses Briues, Doch also, dat genanter herr Johann Storm hymnen teien Jaren Nach Dato duffes Briues wedder edder sine ernen zodane rente vnd tinffe vor vpedachte houetfumma wedder an stek bringe vnd losen schalen, wo auerst dat fuluige verbleue vnd de val queme, als denne willen wy vns an vnse auericheit gar nichts begeuen hebben, vnd duffe vnse Breff vnde vorwilligung schal denne nicht fürder Statt effte krafft hebben, Ane alle geferde. To vrkunt mit vnfes Capittels anhangende Ingezegel vorsegelt. Gegeuen nach Christi geburt Dufent viif hundert darna Imme Negenteienden Jar, am Sondage na Martini des hilligen Bischoppes.

Nach dem im R. Geh. Ministerial-Gesamt-Archive befindlichen Capitels-Copialbuche fol. 114.

**XLIII.** Das Domcapitel zu Havelberg verleiht dem Hans Sonicken das halbe Dorf Rehberg im Lande Stargardt, im Jahre 1519.

Wy Christianus Wultzke Prowest, Roloff Deken, Petrus Frificke Cantor, Johann Wafmodt Senior vnde gantze gemeine Capittel der Doem Stiftskerke tho havelberge, Bekennen vnde doen kunt offentlich mit duffseime Briue vor vns, vnse nachkunftigen vnd suft vor Idermennichlig, dat wy vp slitich ankent vnd bede deme Erbaren vnde wöldüchtigen hans Sonicken vnde finen rechten mennichliken liues leenseruen gunstlich hebben verlegen, vnde verleyen Jegenwardigen, vor vns vnnde vnser nakamenden, In crafft vnde macht duffes vnfes Briues, to eineme rechten manlehne das halue Dorp Rehberge, In der vagedie to Stargardt belegen, mit deme kerklehne, ock mit allen vnde Illiken anderen gnaden, Freyheiden vnde gerechticheiden; So darto gehören vnde van olders her to gehoret hebben, Alse Acker, water, Wiske, Weide, Grefinge, holtunge, binnen vnde buten Dorpes, So wiet vnde verne Idt In allen finen vier enden vnd Scheiden belegen. Also dat he vnd sine rechten naturlichen lehenseruen datfuluige mögen genieten vnd gebruken vnde van vns, wo Leensrecht ist, Inne hebben, doch so schalen de fuluige So offte de val kummet, hir entphangen vnde hir stets gefordert werden, darvan schal he vnde zine mitbenompte vns vnde vnfen nakamenden by der kerken vnde Capittel to havelberge denen vnde gewantliche leenspfiicht, gelick andern vnfern kerken-Vorwandten vnde Leensmanne doen, Wenn des van node vnd Behueff wert sin. Wedderhumme willen wy em vnnde zine mitgeschreuen ock gerne helpen, by gelike vnde rechte schutzen